

答喙鼓高年級組創作腳本： 我想欲改名啦

甲：阮三步做兩步行，欲趕緊來去揣阮阿娘。

乙：喂！喂！喂！擋咧，你袂記得咱今仔日欲去參加臺語答喙鼓比賽，這馬時間咧欲到矣，你才欲去揣恁阿母！

甲：啊！著乎(honnh)，失禮失禮。

乙：簡來重(拈來種)

甲：陳草俠(擲抗掄)

合：上台行禮！（鬥陣講）

甲：（用唱的）莫問阮的名，阮的名毋值三仙錢.....

乙：陳草俠，你是咧唱啥啊？

甲：唉！我是咧唸歌唱曲解心悶啦！

乙：無代無誌，你是咧心悶啥物啦？

甲：（用唱的）一心事若無講出來，有啥人會知？

乙：（雙手比交叉的形）一煞！我知我知，你一定是考試考甲傷差，驚予恁阿母罵乎(honnh)？

甲：才毋是咧，從細漢到今嘛，我逐擺攞嘛提獎狀。

乙：啊無就是你：咧病相思乎！

甲：嘖嘖嘖(tsheh)，烏白唸！我是想欲改名啦！啊！不過聽阮阿母講，我這個名字是阮阿爸想三暝三日才想出來的。

乙：啊毋就想到喙鬚欲拍結矣？！

甲：是啊！尾仔伊想著阮阿爸的阿爸，就是阮阿公定定佢伊講的一句話。

乙：啥物話？

甲：「乖囡的，一枝草，一點露，天無絕人之路」，阮阿公愛阮阿爸認真拍拚食頭路。

合：（唱）「三分天註定，七分靠拍拚，愛拚才會贏！」

乙：啊恁阿爸有認真無？

甲：有啊！有燒香有保庇，有食藥有元氣，天公疼戇人，阮阿爸骨力又好鬥陣。頭家愈看是愈恰意，就共伊的查某囡嫁予阮阿爸做某。

乙：按呢彼个頭家母就是你的外公，伊彼个查某囡仔母就是你的阿母囉！

甲：規攸好好，無剝（錯）！你真正是烏斫仔貯豆油——無地看，閣不只仔巧，講一你就知影三。

乙：這聽起來閣真正是「鳥鼠無洗身軀。」

甲：啥物意思？

乙：有趣味喔！抑毋過，你講甲喙角全泡(pho)，這恰你的名有啥物關係？

甲：阮阿爸堅持欲用一枝草的草，恰伊上恰意的雲州大儒俠的俠來共我號名。

乙：陳草俠，真好聽，也真有意義啊！哪有需要改。

甲：話若講透枝，目屎就捌袂離（假影咧哭）。

乙：莫哭莫哭，「查某囡仔母通吼。」

甲：逐家攏叫我陳草俠——擲欉掄，獎狀提去擲欉掄。真正是氣死我，我一定要改名啦！

乙：拜託咧！你敢知，老師選我做衛生股長，愛我去檢查便所有掃清氣無？我一入去便所，掃便所的同学 in 就開始喝：「簡來重拈來種——糞埤拈轉去恁兜種），真正是予 in 氣甲愈來愈肥喔！]

甲：按呢，你敢有想欲改名無？

乙：免啦！免啦！這是阮阿爸開二千籊予算命仙號的，講號這個名，囡仔會較好育飼，卡好命。

甲：就是按呢！簡來重，你才會遮爾仔好育飼，食甲遮爾仔胖奶喔！

乙：「虎死留皮，人死留名」氣歸氣，逐家按呢叫嘛誠趣味，按呢毋是誠好？

甲：嘛是有影！

合：（唱）「歡喜就好」。

乙：落塗時，八字命，命好毋驚運來磨。

甲：名字音，斟酌聽，好聽歹聽免計較。序大人，共咱養。一句來，一句去，
為著名字來受氣。拍歹感情無值錢。

乙：萬事不由人計算，一生攏是命擔當。

甲：命好也就認真拚，名好毋做變乞食。

乙：一枝草，一點露，隨人認真家己拚。

合唱：「莫問阮的名，阮的名毋值三仙錢。」

乙：簡來重

甲：陳草俠

合：落台行禮。